



Sarajevo, 11.01.2024.godine

**INSTITUCIJA OMBUDSMENA / OMBUDSMANA  
ZA LJUDSKA PRAVA BOSNE I HERCEGOVINE**

**PREDMET:** Zakon o izmjenama Zakona o plaćama i naknadama u institucijama Bosne i Hercegovine (Sl.Glasnik BiH broj 59/22), *molimo Vaše mišljenje*

Poštovana/i,

na osnovu člana IV. 4. a) Ustava Bosne i Hercegovine, Parlamentarna skupština Bosne i Hercegovine je na 27. sjednici Predstavničkog doma, održanoj 9. marta 2022. godine, i na 25. sjednici Doma naroda, održanoj 29. augusta 2022. godine, usvojila Zakon o izmjenama Zakona o plaćama i naknadama u institucijama Bosne i Hercegovine, a koji je objavljen u Službenom glasniku BiH broj 59/22 od 2.9.2022. godine sa početkom primjene od oktobra 2022. godine.

Ovim Zakonom su izmjenjeni članovi 9, 11, 14, 18, 22 i 24 Zakona o plaćama i naknadama u institucijama Bosne i Hercegovine ("Službeni glasnik BiH", br. 50/08, 35/09, 75/09, 32/12, 42/12, 50/12, 32/13, 87/13, 75/15, 88/15, 16/16, 94/16, 72/17, 25/18, 32/20 i 65/20) na način da su **povećani koeficijenti platnih razreda po 0,2 za određene kategorije državnih službenika i sve zaposlenike**. Na taj način su povećane plaće i određeni novi koeficijenti samo za određene pozicije, tj. za pozicije stručni saradnik do stručni savjetnik za državne službenike, vojnik do brigadir za djelatne vojne osobe, policajac do viši inspektor za policijske službenike, te NSS do samostalni referent VŠS za zaposlenike, sa obrazloženjem da bi se u određenoj mjeri ublažile negativne posljedice inflacije kada je u pitanju realno smanjenje dohotka i kako bi se poboljšao materijalni status zaposlenih u institucijama BiH. Predlagač ovakvih izmjena, Klub zastupnika HDZ BIH-HNS je obrazložio da je prijedlog Zakona utemeljen na načelima ustavnosti, zakonitosti, **ravnopravnosti i apsolutne nediskriminacije**.

Smatramo da su odredbe ovog Zakona itekako neravnopravne i apsolutno diskriminatorne prema ostalim kategorijama državnih službenika, koji su neopravdano ostali bez ovog povećanja plaća.

Ne postoji razlika između državnih službenika od stručnog saradnika do stručnog savjetnika u odnosu na njihove neposredne pretpostavljene u institucijama BiH. Svi navedeni obavljaju poslove radnih mjesta državnih službenika, primljenih javnim oglasom, objavljenih i provedenih u organizaciji Agencije za državnu službu BiH, te svi imaju rješenja za radna mjesta na koja su raspoređeni, dakle nisu izabrani na mandat, nisu izabrani državni službenici. Svako navedeno radno mjesto ima Pravilnikom propisane radne zadatke, obaveze i odgovornosti.

Kako smatramo da ne postoji razlika između navedenih kategorija državnih službenika, te da ovakvo postupanje Zakonodavnih tijela i Vijeća ministara predstavlja neposredni oblik diskriminacije prema Zakonu o zabrani diskriminacije ("Službeni glasnik BiH"; broj 59/09 i 66/16), molimo Vaš stav po pitanju gore iznesenog.

Unaprijed se zahvaljujemo.

S poštovanjem,

Za SAMOSTALNI SINDIKAT  
DRŽAVNIH SLUŽBENIKA I  
ZAPOSLENIKA U  
INSTITUCIJAMA BOSNE I  
HERCEGOVINE

Radenko Mirković

*Mykolot*

Broj: 03-SD-02/24  
Datum: 11.01.2024.



Za SINDIKAT UPRAVE ZA  
INDIREKTNO/NEIZRAVNO  
OPOREZIVANJE

Ana Mrnjavac



Broj: **83/9-01/24**  
Datum: **11.01.2024.godine**